

**Aatsitassat pillugit ingerlatallu tamatumunnga pingaarutillit pillugit Inatsisartut  
inatsisaata (aatsitassanut ikummatisanullu inatsit) allanngortinneqarnissaa pillugu  
Inatsisartut inatsisaat**

(Aatsitassanut tunngasunik suliaqarneq pillugu Inatsisartut inatsisaata akuerineqarnerat  
malitsigisaanik sunniutaasunik allanngortitsinerit)

*Aatsitassanut Inatsisillu Atuutsinnerannut Naalakkersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip aappassaaneerneqarneranut**

**ISUMALIUTISSISSIONTAA**

Ataatsimiititaliap suliariinninnermini ilaasortarai:

Inatsisartunut ilaasortaq Mariane Paviaisen, Inuit Ataqatigiit, siulittaasoq  
Inatsisartunut ilaasortaq Aqqalu Jerimiassen, Atassut, siulittaasup tullia  
Inatsisartunut ilaasortaq Hans Aronen, Inuit Ataqatigiit  
Inatsisartunut ilaasortaq Adam Kristensen, Inuit Ataqatigiit  
Inatsisartunut ilaasortaq Lars Poulsen, Siumut  
Inatsisartunut ilaasortaq Dines Mikaelsen, Siumut  
Inatsisartunut ilaasortaq Pele Broberg, Naleraq

UPA2023-mi 20. aprili siullermeerinninnerup kingorna siunnersuut ataatsimiititaliamit misissorneqarpoq.

**Siunnersuutip tunuliaqutaa siunertaalu**

Siunnersuut aatsitassanut tunngasunik suliaqarneq pillugu Inatsisartut inatsisissaattut siunnersummut UPA2023/49-mut, Inuussutissarsiornermut Aatsitassanullu Ataatsimiititaliamit suliarineqartussanngorlugu aamma innersuunneqartumut, attuumassuteqarpoq. Oqaluuserisan-sani immikkoortup qulaani taaneqartup UPA2023/49-p akuersissutigineqarnerata kingunerisaanik Aatsitassanut tunngasunik suliaqarneq pillugu inatsimmi aalajangersakkani atorun-naarsitsinissaq siunnersuutikkut matumuunakkut siunertarineqarpoq. Taamaattumillu siun-

nersummik matuminnga akuersissutiginninnikkut qulakkeerneqassaaq Inatsisartut inatsisis-saattut siunnersuutip matuma akuersissuteqarnerup kingorna marloqiusamik maleruagasiortoqannginnissaa.

### **Inatsisartuni siunnersummik siullermeerinninneq**

Siunnersuut taama iluseqarluni partiinillu tamanit taperserneqarluarluni Inuussutissarsior-nermut Aatsitassanullu Ataatsimiititaliamit suliarineqaqqittussanngorluni innersuunneqarpoq.

### **Tusarniaanermut akissutit**

Tusarniaanermut allakkiami allaqqavoq, piffissami 23. novembari 2022-miit 22. decembari 2022 tikillugu siunnersummik susassaqartut sorliit tusarniaavigineqarsimanersut. Siunner-suutip nassuaatitaani Naalakkersuisut tusarniaanermi akissutit pillugit allakkiamik suliaqar-simapput, ilaatigut tassani allaqqalluni matumani inatsisissatut siunnersuut aammalu Aatsi-tassanut tunngasunik suliaqarneq pillugu Inatsisartut inatsisissaatut siunnersuut UPA2023/49 ataatsimoortillugit tusarniaassutigineqarsimasut. Tassani allassimavoq, tusarniaanermi akissu-tit tiguneqartut tamarmik Aatsitassanut tunngasunik suliaqarneq pillugu Inatsisartut inatsi-sissaattut siunnersummut attuumassuteqartut.

### **Ataatsimiititaliap siunnersummik suliarinninnera**

Matumani siunnersuut pillugu ataatsimiititaliaq allanik oqaaseqaatissaqanngilaq. Tamatuma saniatigut (UPA2023/49) Aatsitassanut tunngasunik suliaqarneq pillugu Inatsisartut inatsisis-saattut siunnersummut ataatsimiititaliap isumaliutissiissutini innersuussutigisinhaavaa, siun-nersuutip akuersissutigineqarnerata kinguneratut matumani inatsisiornissamik tunnga-vissiisoq.

### **Siunnersuutip pisortanut aningasaqarnikkut allaffissornikkullu kingunerisassai**

Siunnersuutip piviusunngortinneqarnerani aningasaqarnikkut allaffissornikkullu kinguneri-sassai siunnersuutip nalinginnaasumik nassuaataani allassimapput. Kingunerisassat taakku pillugit Naalakkersuisut nassuaataat Inussutissarsiornermut Aatsitassanullu Ataatsimiitita-liamit tusaatissatut tiguneqarput allanillu oqaaseqaatissaqarfingeqarnatik.

### **Ataatsimiititaliap inassuteqaatai:**

Tamanna tunngavigalugu ataatsimiititaliam **amerlanerussuteqartut**, Inuit Ataqatigiinneersut aamma Siumumeersut, siunnersuutip **akueringeqarnissaa** inassutigaat.

Ataatsimiitaliap taama oqaaseqaateqarluni isumaliutissiisummilu allassimasutut paasin-nilluni siunnersuut aappassaaniigassanngortippaa.

---

Mariane Paviaisen  
Siulittaasoq

---

Aqqalu Jerimiassen  
Siulittaasup tullia

---

Hans Aronen

---

Adam Kristensen

---

Lars Poulsen

---

Dines Mikaelsen

---

Pele Broberg